

उ॒चैन॑दे॒वं वेद॑ । सोऽ॒त्र जु॑होति । अ॒ग्नये॒ कामा॑य॒ स्वा-
हानु॑वित्त्यै स्वाहा । अनु॑मत्यै स्वाहा पु॒जाप॑तये स्वाहा ।
स्व॒र्गाय॑ लो॒काय॒ स्वाहा॒ग्नये॑ स्विष्ट॒कृते॒ स्वाहेति॑ ॥ ८ ॥

ता वा ए॒ताः स॒प्त स्व॒र्गस्य॑ लो॒कस्य॒ द्वारः॑ । दि॒वः
श्ये॑न॒योऽनु॑वित्तयो नाम । आ॒शा प्रथ॑मा रक्षति ।
का॒मो द्वि॒तीयाम् । ब्र॒ह्म तृ॒तीयाम् । य॒ज्ञश्च॑तु॒र्थीम् ।
आ॒पः पञ्च॑मीम् । अ॒ग्निर्व॑लि॒मान् ष॒ष्ठीम् । अनु॑वित्तिः
स॒प्तमीम् । अनु॑ ह वै स्व॒र्गं लो॒कं वि॑न्दति । का॒मचा॒-
रोऽस्य॑ स्व॒र्गं लो॒के भ॑वति । य ए॒ताभि॑रिष्टिभि॒र्यज॑ते ।
य उ॒चैना॑ ए॒वं वेद॑ । तास्व॑न्विष्टि । प॒ष्ठौही॒ वरां॑ द॒-
द्यात्का॑सञ्च । स्त्रियै॑ चा॒भारः॑ समृ॒ध्यै ॥ ९ ॥

अनु० २ ॥

तृतीयोऽनुवाकः ।

तप॑सा दे॒वा दे॒वता॑मग्र आ॒यन् । तप॑स॒र्षयः॒ स्वर॑-
न्वि॒न्दन् । तप॑सा स॒पत्नान्॒ प्रणु॑दामा॒रातीः॑ । येने॒दं
विश्वं॑ परि॒भूतं॑ यदस्ति । पु॒थम॑जं दे॒वः ह॒विषा॑ विधेम ।
स्व॒यम्भु॑ ब्र॒ह्म पर॑मं तपो॒ यत् । स ए॒व पु॒त्रः स पि॒ता
स मा॒ता । तपो॑ ह य॒ज्ञं प्रथ॑मः सम्ब॒भूव॑ । अ॒द्भया॑ दे॒वो
दे॒वत्व॑मश्नुते । अ॒द्वा प्र॑ति॒ष्ठा लो॒कस्य॑ दे॒वी ॥ १ ॥